

928
七
5

誠齋集

五





誠齋集卷第十七

廬陵楊萬里曾秀廷

詩

南海集

南雄驛前雙柳

外計堂前柳絕奇南中無此兩渦絲午風不動休
嫌暑要看枝枝自在垂

南雄解舟

一昨春江上水船即非上水是登天如今下瀨江
無水始信登天却易然

過建封寺下連魚灘

江收衆水赴單槽石壁當流闊雪濤將取危舟飛
過去黃頭卽只兩三篙

夢裡篙師忽叫灘老夫驚殺起來看前船過盡知
無慮末後孤舟膽自寒

六月十八日立秋送客夜歸雨作

青天赤日更黃埃迎送紛紛正往來一夜炎蒸無
計奈三更風雨領秋回人生作底禁寒暑世事何
如付酒盃遮莫髯間點霜雪何曾筆下減瓊瑰

送廣帥秩滿之官丹陽

北門卧護要耆英小試胸中十萬兵天借金山吟
落月身兼鐵甕作長城何如嶺上因歸路摘取梅
酸去作羹已有紫泥教詣闕便應留住付鈞衡
南海元戎禁從臣却昇北斗捧星辰回頭五嶺忽
千里屈指十賢添一人笑別廣平堂下月歸看太
極殿前春一尊話別端何有綠水青山更白雲

晚步

晚暑無涼可得尋小風一點尉人心斜陽碎入高
榕葉翻作青瑤覆作金

寄題臨武知縣李子西公廨君子亭

王家喚竹作此君周家喚蓮作君子泥中懷玉避
俗塵水上開花超大地紅裳翠蓋在眼中欲往從
之隔秋水牡丹貴人非吾徒籬菊隱士堪鄰居李
侯岸巾對芙蓉不寄新詩來起予

謝木韞之舍人分送講筵賜茶

吳綾縫囊染菊水蠶砂塗印題進字淳熙錫貢新
水芽天珍誤落黃茅地故人嘗渚紫微郎金華講
徹花草香宜賜龍焙第一綱殿上走趨明月璫御
前啜罷三危露滿袖香煙懷壁去歸來拈出兩螭
蛩雷電晦冥驚破柱北苑龍芽內樣新銅圍銀範

鑄瓊塵九天寶月霏五雲玉龍雙舞黃金鱗老夫
平生愛煮茗十年燒竈折脚鼎下山汲井得甘冷
上山摘芽得苦硬何曾夢到龍游窠何曾夢喫龍
芽茶故人分送玉川子春風來自玉皇家鍛圭推
璧調水水烹龍庖鳳搜肝髓石花紫笋可衙官赤
印白泥牛走爾故人氣味茶樣清故人風骨茶樣
明開緘不但似見面叩之咳唾金石聲勸生勸人
墮巾幘睡魔遣我拖書冊老夫七枕病未能一啜
猶堪坐秋夕

荔枝堂夕眺

夕峯褪日半鉦多秋漢吹雲一絮過寂々庭松今
兩月鶴雛去盡只留窠

病骨秋臞怪暮清涼風偷帶北風輕迎寒窻隔重
糊遍只放書邊數眼明

閏年秋淺似秋深蟋蟀將愁傍砌吟今夕初三元
未覺西樓西角一鈎金

羅仲憲送薺菜謝以長句

學琴自有譜相鶴自有經蔬經我繙盡不見薺菜
名金華詩裡初相識王友尊前每相憶坐令芥孫
薑子芽一見風流俱避席取士取名多失真向來

許靖亦誤人君不見鄭花不得半山句却參魯直
稱門生

曲江重陽

煙描水寫老秋容嶺外秋容也自濃如見大賓新
露菊若歌商頌曉風松挿花醉照濂溪井吹髮慵
登帽子峯莫問明年衰與健茱萸何處不相逢

九日郡中送白菊

未應白菊減於黃金作鈿心王作裳一夜西風開
瘦蕾兩年南海伴重陽若言佳節如常日為底寒
花分外香接藥浮杯莫多著一枝留挿鬢邊霜

擬題綿州推官廳六一堂

唐子西集載謝固為綿州推官推官之廡歐陽公生焉謝作六一堂求子西賦詩云即彼生處所館之與周旋予謂此非子西得意句也輒擬而賦之

一代今文伯三巴昔產賢
白珩光宇宙藍水暗風
煙有客曾高枕外堂見老仙
夢中五色筆猶為寫
鳴蟬

擬進士金波廉鳩鵲詩

曳練為銀漢鎔金作月波
桂華斜廉處鳩鵲得光

多雲乘三秋淨菱花一鏡磨
宮檐暉水竹觀影澹
星河霧濕殘宵折霜明欲曉
珂頭餘映在劍佩
已相摩

督諸軍求盜梅州宿曹谿呈乘景伯陳守
正溥禪師

南斗東偏第一山
白頭初得扣禪關
祖衣半似雲
來薄金鑰纜開霧作團
一鉢可能盈尺許
千年有底萬人看
今宵雪乳分龍焙
明日黃泥又馬鞍

曉炊黃竹莊

染練江山宿雨餘
枝枝葉葉潤如酥
絲窠瓔珞消

多少破費天公百斛珠
瑄灰藪藪欲飛聲日到牽牛第幾星
地底陽生人不覺燒痕未冷已青青
城中殊未有梅看莫是冬暄久淺寒行到深山最
寒處兩株香雪照水灘

上岑水嶺

危峯上面更危峯特地無梯上碧空遙望白雲生
絕頂如今身在白雲中
天上雲泉脚下鳴玉虹倒掛客心驚試教轉落峯
頭石袞到深溪作磨聲

過岑水

石瘦銅苗綠溪腥膽水黃是間無馬跡何處更羊
腸惡路今方始平生夢未嘗如何寒刮骨行得汗
如漿

野炊白沙沙上

半日山行底路塗歌炊無店糴無珠旋將白石支
然鼎却展青油當野廬一望平田皆沃壤只生枯
葦與寒蘆風餐露宿何虧我玉饌瓊樓合屬渠

至節宿翁源縣與葉景小酌

此縣誰言是強名古來十室亦琴鳴只嫌六七第

竹舍也有兩三雞大聲村酒分冬勝屢度霜風一
夜辨新晴半生客路逢佳節佳節何曾負半生
至月宿藍坑小民居竹柱扶壁壁皆不土
一路都岑寂藍坑分外荒屋踈茅送月壁窸荻分
霜病趾催趺坐殘更妬曉光暖寒無上策來早借
朝陽

曉晴過後藤逕

厭雨欣初霽貪程敢晏眠排天雙壁起受日一峯
先入逕惟逢樹無人况有煙藤深猿不見聲到客
愁邊

古路

我生倦行路此行欣不辭我豈與人異厭閑樂驅
馳王事當有行忘身那自知閩盜入吾部梅川作
潢池白羽飛赤囊碧油走紅旗履霜我不早蔓草
要勿滋士皆衝冠怒人挾報國私我行梅始花我
歸柳應絲會當揮螯弧一笑封鯨鯢休愁犖确路
即賦競病詩

野炊後藤逕樹下

逕仄旁無地林開忽有天丹楓明遠樹黃葉暗鳴
泉苔錦銀槍竈蘆茸玉帳氈從軍古云樂乞與箇

山川

泉聲

初聞蟹眼雪花聲忽有仙人玉佩鳴時作微吟清
入骨又成幽咽怨多情問知古澗飛泉落起看寒
泓遶石行欲解塵纓聊一濯無塵可濯濯誰纓

羽檄召諸郡兵

閩盜宵窺粵南兵曉盡東軍聲動岩谷旗影喜霜
風貌虎諸方集撓搶一笑空區：鼠子輩不足奏
曹公

明發瀧頭

黑甜偏至五更濃強起侵星敢小慵輸與山雲能
樣嬾日高猶宿夜來峯

過烏沙壑大塘石峯

城中長恨不見山出城見山如等閑曹溪過了過
岑嶺不惟山麤石仍獷山如可師癩滿頂石如陳
三癩聯頸一路令人眼不開眼開令人悶不醒烏
沙未到一溪橫水清見底心已清大塘六峯爭出
迎水精筆架琉璃屏兩峯玉筍初出土三峯水盤
釘角黍新峯新琢金博山霧作沉煙雲作縷忽然
前岡平截斷萬丈青尖餘寸許山神解憐客子愁

平地跳出蒼琳璆更借天公修月斧神工一夜忙
瑠鍤近看定何者遠看真可畫山神自賀應自詫
古來比地無車馬

竹魚

晨炊烏沙有賣竹魚者身首如鱗而厚鱗如
鯉而正綠如竹色云

銀魚色如銀竹魚色如竹渭川千畝秀可掬都將
染成一身綠魚生竹溪中家在竹根菱荇叢畫餐
竹葉與竹米夜飲竹露吹竹風前身王子猷今身
赤鯁公只知愛竹判却命化作此君蒼雪容漁翁

夜傍竹溪宿魚驚釣絲水底縮朝來釣得水蒼玉
先生笑捫藜覓腹

空山一兩山溜急漂流桂子松花汁土膏鬆暖都
滲入蒸出蕈花團戢戢戴穿落葉忽起立撥開落
葉百數十蠟面黃紫光欲濕酥莖嬌脆手輕拾響
如鵝掌味如蜜滑似尊絲無點澁傘不如笠釘勝
笠香留齒牙麝莫及菘羔楮雞避席揖餐玉茹芝
當却粒作羹不可踈一日作腊仍堪貯盈笈

食鷓鴣

江南厭聽鷓鴣曲嶺南初嘗鷓鴣肉年々細雨落花春鈎輻拾磔惱殺人竹雞泥滑報行客鷓鴣更道行不得方兄百輩買一隻可惜羽衣錦狼藉

宿小粉村

暮宿溪邊小粉村一峯如筆正當門看來山色元無粉拂殺濃藍淺黛痕

塘閘

山逢塘閘冠南中小大高低十九峯東畔連尖尤秀絕一雙銅綠翠鋪茸

入陂子逕

下一嶺上一嶺上如登天下如井人言箇是陂子逕猿藤逕裡無居民陂子逕裡無行人冷風蕭々日杲々露濕半青半黃草前日猿藤猶有猿今此一鳥亦不喧樹無紅果草無藥縱有猿鳥將何餐兩山如壁岸如削一逕緣空劣容脚溪聲千仞撼林岳崖石欲崩人欲落來日長峯逕更長陂子逕荒未是荒蔣家三逕未入手嶺南三逕先斷腸

過陂子逕五十餘里喬木蔽天遣問七絕

句

林中亭午始微明楓倒杉傾滿路橫黃葉青苔深

一丈先生却愛此中行

草光兼潤亦清佳翠裡生香不是花一事說來人不信巖長如樹蚓如蛇

蘆深石路旋芟開藤絰肩輿却倒回蘭蕙連山為誰好芭蕉滿谷不緣栽

為憐上轎齧人肩下轎行來脚底穿客子心心愁欲暮碧雲偏作半陰天

晚風寂寂樹陰陰松不悲鳴竹不吟只有清泉逢白石向人刺口說山林

澗泉勸我出山逢曲曲遽留步步隨泉自多情儂

自問今宵會有出時

山窮喜見一平川不似林中不識天只出此山災便散何須更問小行年

過長峯逕遇兩遺闕十絕句

南人謂深山長谷寂無人煙中通一路者謂之逕自翁源至河源其逕有三猿藤隰子各五十里惟長峯餘百里過者往往露宿鑽火以炊予以半夜一晝疾行出逕宿秀溪云

說着長峯十日愁夜來發處四更頭莫令炬火風吹黑未說紅紗絳蠟休

百里如何一日行晴天猶自急追程山雲管得儂
愁雨強做催詩數點聲

野炊未到也飢嗔到得炊邊却可人拿作旅亭泥
處坐水漂地竈雨中薪

石上菖蒲鉄作鬚寸根九節許清臞安期自是參

渠底却重安期不重渠

世傳安期生食蒲澗
九節菖蒲而仙云

一眼空山空復空歌蘆倒菰雨和風却緣小隊旌

旗過教得青楓學着紅

何須人跡到來曾點汗松風澗水聲不是先生愛
山水是間却遣阿誰行

猿藤陂子枉驚吁未抵長峯小半塗今夕前頭何
許宿不知出得逕來無

下到危坡斗處泥旁臨崩岸仄邊溪不須杜句能
驅瘴只誦長峯遺悶時

出得山來未見村已知村近稍多田坐看雲脚都
垂地回望峯頭已入天

繭是緞兄非善地橘和瓣種帶穰災烏捍不熟還
無事小艇難乘莫載來

明發曲坑

雲橫平野近人低似殼如紗只隔溪行到溪東元

不見回頭却復在溪西
露草欣逢曉日新各將珠琲闕呈珍紅光影裡如
何揀顆圓明顆顆勻

明發龍川

山有濃嵐水有氛非煙非霧亦非雲北人不識南
中瘴只到龍川指似君

優入壺溪受瘴煙一生誰料到龍川早書實歷還
山考便是中書九閩年

發通衢驛見梅有感

忙中掠眼雪枝斜落片紛紛點玉沙
屢過一冬妨

底事不曾款曲是梅花

過五里邇

瘦日當中暖稍回冷山未許瘴全開
溪光遠隔深溪竹特地穿簾入
轎來野水奔流不小停知渠何事太忙生也無一箇人
催促自愛爭先落澗聲
入山無路出無門鳥語猿聲更斷魂
當處迷塗何處問一溪引我得前村

晨炊浦村

水出何村尾橋橫亂篠叢隔溪三四屋
對面一雙

峯過午非常暖疑他不是冬疎梅照清淺作意為誰容

宿長樂縣驛驛皆用葵葉蓋屋狀如樓葉

云

都將葵葉蓋亭中樹似梳柳葉似樓歌問天公覓微雪裝成急響打船篷

題興寧縣東文嶺瀑泉在夜明場驛之東
箏輿路轉崖欹傾只聞滿山泉水鳴卷書急看已半失眠不停注耳細聽石如鉄色黑壁立鏡面平水從鏡面一飛下蘄笛織簾風漪生石知水力倦

半壁鍾作天一泓水行到此欲小憩後水忽至前水驚分清裂白兩泓出跳珠躍雪雙龍爭不知落處深幾許千丈井底碎玉聲安得好事者泉上作小亭釀泉為酒不用麴春風吹作蒲萄綠醉寫泉聲入枯木何處更尋響泉曲

入程鄉縣界

長樂昏嵐著地凝程鄉毒霧巽人腥吾詩不是南征集只合標題作瘴經

明發梅州

市小山城寂船稀野渡忙金暄梅葉日玉冷草根

霜

霜草

霜前亂碧未全枯
霜後紛黃却更蘇
偷喫瑤臺青女粉
都生瓊髮與銀鬚

夜宿房溪飲野人張珣家
桂葉鹿蹄酒其法以桂葉為餅
以鹿蹄煮酒釀以八月過是則味減云

桂葉揉青作麴投鹿蹄煮醪
趁涼簞落杯瑩滑水中水過口
森嚴菊底秋玉灰黃封猶退舍
齏湯蜜汁更論籌野人未許傳
酷法剩買雙餅過別州

明發房溪

山路娉婷小樹梅為誰零落為誰開
多情也恨無人賞故遣低枝拂面來
青天白日十分晴
轎上蕭蕭忽雨聲
却是松梢霜水落
兩聲那得此聲清

瘴霧

午時猶未識金烏對面看人
一似無臘月黃茅猶雨許
不知八月却何如

南中八月黃茅瘴盛之時

過水車鋪

盡日塗中斷客行
兩邊山色到雲青
溪光搖碎黃

金日波面跳成白玉星
轎裡看書得晝眠夢中驚浪撼漁舩覺來書卷風
吹亂忘却前篇與後篇

宿禹安鋪

來朝還入鱈魚鄉未到潮陽到揚陽休說春風歸
路遠只今去路不勝長

過單竹洋逕

兩山何許來此焉忽相尋摩肩不少讓爭道各載
駸喬木與脩竹相招為茂林無風生翠寒未夕起
素陰天垂木末近日到谷底深空山時自響已動

客子心行至幽絕處更聞啼怪會

自彭田鋪至湯田道旁梅花十餘里

一行去聲誰裁十里梅下臨溪水恰齊關此行便是
無官事只為梅花也合來

觀湯田鋪溪邊湯泉

下泓堪浴上堪煎陰火熬成未必然海底日昇波
自沸偶分一眼作湯泉

湯田早行見李花甚盛 二首

此地先春信年年只是梅南中春更早臘日李花
關

似妬梅花早同時鬪雪膚新年三二月還解再開
無

雨中道旁叢竹

竹也豈不好道旁端可嗔只教寒雨裡將冷洒行
人

雨中梅花

霜晴三日不勝佳忽作陰霖送歲華客裡清愁自
無奈却教和雨看梅花

過瘦牛嶺

行盡天涯未遣休梅州到了又潮州平生豈願乘

肥馬臨老須教過瘦牛夢裡長驚炊劍首春前應
許賦刀頭夜來尚有餘樽在急喚渠儂破客愁

題瘦牛嶺

牛頭定何向牛尾定何指我不炙汝心我不穿汝
鼻如何不許見全牛霧隱雲藏若相避行行上牛
背上下三十里一兩生新泥寸步不自致胡不去
作牽牛星馮飲銀河天上水胡不去作帝籍牛天
田春風牽黛耜却來壘村天盡頭塞路長遣行人
愁夕陽芳草只依舊瘦牛何苦年年瘦

道傍草木

山無人跡草長青異彩奇香不識名只是苔花兼
蘚葉也無半點俗塵生

古樹何年潤底生只今已與嶺般平千梢萬葉無
重數一一分明報雨聲

葵葉

弱竝端能直幾錢騎奴不擬兩連天蓋頭旋折山
葵葉擘破青青傘半邊

葉之狀
如此

過金沙洋望小海

海霧初開明海日近樹遠山青歷々忽然咫尺黑
如漆白盡如何成曠色不知一風何許來霧闌還

合合還開晦明百變一彈指特地遣人驚復喜海
神無處逞神通放出一斑夸客子須臾滿眼賈胡
船萬頃一碧波黏天恰似錢塘江上望只無兩點
海門山我行但作游山看減却客愁九分半

揭陽道中

馱穿山徑石嶽嶽喜見川原路坦夷更著兩行團
樹子引人行遠不教知

地平如掌樹成行野有郵亭浦有梁舊日潮州底
處所如今風物冠南方

宿潮州海陽館獨夜不寐

醉來還睡睡還醒長是三更夢便驚細數更聲有
何益不然作麼到天明
臘前蚊子已能歌揮去還來柰爾何一隻攬人終
夕睡此聲元自不須多

謁昌黎伯廟

南海行幾徧東潮欠一來若無韓子廟只有越王
臺文字天垂日興七阜上埃聊吹鱗溪水灑越六
丁雷

題韓亭韓木

老大音韓家十八郎猶將雲錦製衣裳至今南斗

無精彩只放文星一點光
笑為先生一問天身前身後兩般看亭前樹子關
何事也得天公賜姓韓

嘉定元年春三月男 長孺

編定

端平元年夏五月門人羅 茂良

校正

誠齋集卷第十八

廬陵揚 万里 廷秀

詩

南海集

登南州奇觀前臨大江浮橋江心起三石
臺皆有亭子

梅邊樓閣海邊山銀竹初收霽日寒
看着南州奇觀了人間山水不須看

玉壺冰底卧青龍海外三山隨眼中
奇觀揭名渾未只在只消題作小垂虹

[Faint bleed-through text from the reverse side of the page, including characters like 公, 天, 文, 星, 一, 輝, 光]

[Marginal note on the right edge of the page]

[Marginal note on the right edge of the page]

手賊班師明發潮州

不是潢池赤白囊，何緣杖屨到潮陽。
官軍已掃狐兔窟，歸路莫孤山水鄉。
便去羅浮參玉局，更登浴日折扶桑。
還家兒女搜行李，滿袖雲煙雪月香。

潮陽海岸望海

動地驚風起海陬，為人吹散兩眉愁。
身行島北新春後，眼到天南最盡頭。
衆水更來何處著，千峯赴此却回休。
客間供給能消底，萬頃煙波一白鷗。

除夜宿石塔寺

醉後先眠客莫嗔，誰能守歲費精神。
幸無爆竹驚

寒夢休羨椒花頌，好春今歲明年絕。
隔夕人情物

態頻趨新遙，憐兒女團欒處。
政欠屠酥第十人。每飲

屠酥第十居第十

壬寅歲朝發石塔寺

曉鐘夢裏苦相呼，強裏烏紗照白鬚。
只有銅爐燒栢子，更無玉盞瀉屠酥。
佛菜鮮吐四時艷，鐵樹還如九節蒲。
省得一朝疲造請，却教終日走長塗。詩法

堂前有紅佛菜四時有花又有小木名鉄樹葉似蕝而紫轉似密節菖蒲

晨炊黃岡望海

望中雪嶺界天橫，雪外青瑤甃地平。
白底是沙青

是海捲簾看了却心驚

海岸沙行

海濱半程沙上路海風吹起成煙霧行人合眼不敢覩一行一步愁一步步沙痕沒芒屨不是不行行不去若為行到無沙處寧逢石頭齧足拇寧蹈黃泥濺袍袴海濱沙路莫再度

榕樹

直不為楹圓不輪斧斤亦復赦渠薪數株連碧真成菌一脛空肥總是筋

食車螯

珠宮新沐淨瓊沙石鼎初燃淪井花紫殼旋開微滴酒玉膚莫熟要鳴牙振拖金線成雙美薑鹽糟立併一家老子宿醒無解處半杯羹後半甌茶

食蠣房

蓬山側畔屹螺山懷玉深藏萬岳間也被酒徒勾引着薦他尊俎解他顏

食蛤蜊米脯羹

傾來百顆恰盈奩剥作杯羹未屬厭莫遣下鹽傷正味不曾着蜜若為甜雪搯玉質全身瑩金綠水鈿半縷纖更浙香杭輕糝却發揮風韻十分添

銀魚乾

初疑柘齒雪爭鮮又恐楊花糝作醺却是翦銀成
此粟如何入口軟於綿

烏賊魚

秦帝東巡渡浙江中流風緊墜書囊至今收得磨
殘墨猶帶宮車載鮑香

泊流潢驛潮風大作

忽看草樹總離披記得沙行昨日時除却潮來無
別事海風動地亦何為
潮來潮去有何功費盡辛勤辨一風若使無風潮

自至信他海伯有神通

正月三日宿范氏莊四首

開歲又涉三我征良未休沙行地一平百里縱遐
眸景穉物自欣磧迥情反愁中田緬雲在聊復稅
我輶追程有底急行急能至不三峯從何來駿奔
若鳴騶當戶不忍去裴回為人留對之成四友呼
酒與猷疇我醉山自醒相忘却相求
野踐得幽詠不吐聊自味僂步忽傳呼云有遠書
至開緘祗暄涼此外無一事奇懷坐消浪追省寧
復記方驪遽成悶俗物真敗意山鵲下虛庭對語

含喜氣一笑起振衣吾心本無滯

酒名忘憂物未盡酒所長醉後忘我身安得憂可
忘我飲初不多不可無一觴平生難為酒甘醴新
不嘗要與水爭色仍復菊敵香氣盎春午花味凜
秋旭霜三杯合自然一滴請醉鄉渴來困行役名
酒安可常甘淡俱不擇芳冽那得將酒味何必佳
一醉徑投床但令有可飲不醉亦何妨

山歷愁寡天沙征恨多地兩日行海濱雖近彌不
至遐瞻道旁堠我進渠祗退大風來無隔午燠皎
安避今夕范氏莊初覲三峯翠愈遠故絕瑕不多

始足貴嶮然半几出覺若一拳細輕霏澹脫秀隴
照燁春媚翫久有餘佳繪苦未必似今夕勿掩扉
月中對山睡

初四月晨炊橫翠亭

近看三峯失一峯其餘都與昨來同多情橫翠亭
前五伴我同行兩日中

人月宿味田驛

破驛荒涼晚解鞍急呼童碧敵輕寒南中氣候從
頭錯人日青梅已醞酸

登大鞋巖望大海

杖履千崖表波濤萬頃前瓊天吹不定銀地濕無
邊一石當流出孤犬卓筆然更將垂老眼何許看
風煙

晨炊叱馭驛觀海邊野燒

南海驚濤卷玉缸北山野燒展紅幢山神海伯爭
新巧併慰詩人眼一雙

海岸七里沙

大風吹起翠瑤山近岸還成白雪團一浪挽先千
浪怒打崖裂石與君看
行人莫近岸邊行便恐波頭打倒人若道岸高波

不到玉沙猶濕萬痕新

鮮魚潭登舟

船閣寒沙待晚潮行人舟子各相招銀山一朵三
千丈隔海飛來對面銷

宿南嶺驛

薇手猶拳已著長菊苗初甲可羨嘗山村富貴無
享一路春風野菜香

茅花似雪復如茸一望平原淺草中盡日向人揮
玉塵知將何事語春風

初十日早炊蕉步得家書并家釀

黃池東定得西還病後塗中竟鮮懼為許朝來有
新喜庭闈一騎報平安
年年自漉雪前醅今歲無緣得一杯政是荒村愁
絕處家中送得六尊來

惠州豐湖亦名西湖

左瞰豐湖右瞰江五峯出沒水中央峯頭寺寺樓
樓月清殺東坡錦繡腸
三處西湖一色秋錢塘潁水更羅淨東坡元是西
湖長不到羅浮便得休

正月十二日游東坡白鶴峯故居其北思

無邪齋真蹟猶存

詩人自古例遷謫蘓李夜郎并惠州人言造物困
嘲弄故遣各捉一處囚不知天公愛佳句曲與詩
人為地頭詩人眼底高四海萬象不足供詩愁帝
將湖海賜湯沐董董可以當冥搜却令玉堂揮翰
手為提椽筆判羅浮羅浮山色濃潑黛豐湖水光
先得秋東坡日與群仙游朝發崑閩夕不周雲冠
霞佩照宇宙金章玉句鳴天球但登詩壇將騷雅
底用蟻穴封王侯元符諸賢下石者祇與千載掩
鼻羞我來剝啄王粲宅鶴峯無恙江空流安知先

生百歲後不來弄月白蘋洲無人挽住乞一句猶
道雪乳水滿不當年醉裏題壁處六丁已遣雷電
收獨遺無邪四箇字鸞鳳泊蟠銀鈎如今亦無
合江樓嘉祐破寺風颼颼

解舟惠州東橋

南窗寧差北西歸敢再東猿聲雲樹月客枕露船
風綠髮春全白蒼顏酒不紅莫憎愁與病留取伴
衰翁

放船

岸岸人家住門門面水開老翁扶杖立釋子看船

來一夜鳴春兩諸灘漲綠醅順流行自快更著北
風催

感興

行役志衰暮逢春感物華一來梅嶺外三見木綿
花山鹿寧游市江鷗本卧沙紅塵無了日白髮未
還家

夜泊曲灣

順流一日快舟行薄暮風濤特地生不是江神驚
客子勸人早泊莫追程

曲灣放船

梅子成陰夾道周木綿吐焰滿江頭春來不是無
桃李臘月開花已落休

石灣兩作得輩帥采若書約觀燈

昨暮顛風浪打頭那知今日得安流元宵不為游
人好細兩先供客子愁病骨支離妨酒殘詩仙招
喚試燈毬書生薄命多磨折樂事良辰判却休

舟中望羅浮山

羅浮元不是羅浮自是道家古蓬丘弱水只知新
舟揖葛仙夜偷來惠州羅浮山高七萬丈下視日
月地上流黃金為橋接銀漢翠琳作闕橫瓊樓不

知何人汗脚迹觸忤清虛澆寒碧天遣山鬼絕凡
容化金為鉄瓊為石至今石樓人莫登鉄橋不見
空有名玉匙金籥牢鑲局但見山高水泠泠我欲
騎麟駉翳寫鳳月為環佩星為從前驅子晉後安
期飛上峯頭斲丹汞

南海東廟浴日亭

南海端為四海魁扶厝絕境信奇哉月從若木梢
頭轉湖到占城國裏回最愛五更紅浪沸忽吹萬
里紫霞開天公管領詩人眼銀漢星槎借一來

題南海東廟

羅浮山如萬石鍾一服南走如渴龍雷奔電萬避
不住直抵海濱無去處低頭飲海吐絳霞舉頭戴
着祝融家珠宮玉室水精殿萬水一日朝再銜青
山四圍作城郭海濤半浸青山脚客來莫上浴日
亭亭上見海君始驚青山缺處如玉玦潮頭飛來
打雙闕晴天無雲濺碎雪天下都無此奇絕大海
更在小海東西廟不如東廟雄南來若不到東廟
西京未睹處章宮海神喜我著綺語為我改容收
霧兩乾坤軒豁未能許小試日光穿漏句

鐳白

止酒愁無那哦詩意已闌鐳髭非急務也遣半時
閑

和鞏米若游蒲澗

南中道是島夷居也有安期宅一區履齒苔痕猶
故跡霓旌鸞佩已清都元戎解領三千騎勝日來
尋九節蒲萬岳松風和澗水鳴琴漱玉自相娛

船過靈洲

却緣野闊覺天低政值潮平苦熨遲洲此背兩船歸
別港岸頭數屋出踈籬江山慘淡真如畫煙雨空
濛自一奇病酒春眠不知曉開門拾得一篇詩

近岸

十日都無一日晴牽船客子總斜行一川黃犢朝
朝飽岸草何曾減寸青

泊鴨步

江流自在水風輕雲去天來半欲晴兩岸東西三
十里李花獨樹隔江明

明發鴨步

兩歲春船各一時今年船快去年遲青山面目何
曾改清曉看來別樣奇

過黃巢磯

黃巢磯與白沙灘只是聞名已膽寒自笑南來三
換歲一年一度犯驚湍

望清遠峽

刺船又入峽山間江水初平失惡灘道是峽山天
下險老夫令作坦塗看

舟人吹笛

長江無風水平綠也無鞞文也無穀東西一望光
浮空瑩然千頃無瑕玉船上兒郎不耐閑醉拈橫
笛吹雲煙一聲清長響徹天山猿啼月澗落泉更
打羊皮小腰鼓頭如青峯手如雨中流忽有一大

魚跳破琉璃夫來許

近峽

望峽初愁遠當前忽不知如何船進處却在棹停時

清遠峽

四首

峽水都是泉非雨元自足不知幾滴珠成此一川
玉旁將山染翠仰為天寫綠何當雪月夜孤艇葦
間宿

清晨霧雨重不敢開船門小窓試微啓逗入一船
雲何曾燒龍麝射香霏遠吾身身在雲水上何許覓

點塵

清遠望峽山山脚無半里小舟行其間五日翠未
已並馳兩蒼龍中夾一玉水送我到英州渠當自
回嚮

誰開峽山寺政要避世喧深潭無來路劫崖有青
天療飢摘山果擊磬煩嶺猿人跡今擾擾祇緣一
漁舩

光口夜雨

峽江清空峽雨急寒聲夜半蕭蕭發玻璃盆面跳
萬珠一顆一聲清入骨夢中搔首起來聽聽來聽

去到天明一生聽雨今頭白不識春江夜雨聲

出真陽峽

過盡危磯出小潭回頭失却石峯峴春寒料峭元
無事知我猶截一布衫
細雨初來刺水紋三針兩線未教繁不知忽有何
忙處急洒千千萬萬痕
峽嶺分明是假山亂堆恠石入雲間上頭更種青
瓊樹下照春江玉鏡寒
峽中出了又逢灘破浪牽船分外難只是峽山臨
欲別此灘留我再看山

江楓新染綠衣衫知費春風幾把藍道是春光在
桃李試除桃李儘教參

入峽長思出峽行出來却憶峽中清一江碧水供
詩硯兩岸青山作硯屏

只言英石冠南中未識真陽一兩峯遮莫坡陀將
不去將詩描取小玲瓏

今歲春流漲又銷水痕猶印石間茅浮槎却被春
流誤長掛江邊小樹梢

春光濃裏更江行畫舫分明是水亭出了真陽恰

惆悵數峯如笋雨中青

出峽即見碧
落洞數石峯

未必陽山天下窮
英州窮到骨中空
郡官只怨無供給
支與真陽數石峯

山雲

春從底處領雲來
日日山頭絮作堆
戀着好峯那肯去
欲開猶遠兩三回

碧落洞前灘水

水知山近已先狂
箭往星奔趁下瀧
灘下洄流能耐事
漩漚百轉看它忙
石峯背後即英州
只不教人到片頭
羅帶春風吹不直
故將數摺惱行舟

碧落峯前上一灘
篙師叫得口都乾
開門將謂舡行遠
只在峯頭蘆荻灣

北風

山雨無休歇
江雲政鬱葱
如何急灘水
更著打頭風
草作傷心碧
花能可意紅
一年春好處
却在道塗中

正月二十八日峽外見鷺子

社日今年定幾時
元宵過了鷺先歸
一雙貼水嬌無奈
不肯平飛故仄飛
不宿青楓學子規
不穿綠柳伴鷺啼
雙飛只愛清

江水自喜身輕照舞衣

回望峽山 二首

英州挽不來峽山推不去行了一日船依舊朝來處

浪喜出峽來峽亦何曾出兩岸只無山依舊江刻屈

碧落洞

碧落諸峯是碧簪忽於平地挿瑤岑洞中定有神
仙宅玉室金堂不可尋

夢中曾泊洞前船落絮飛花是去年今日來尋泊

船處一江風雨草連天

洞裏仙人枉費功鑿江屈曲做神通千榮萬繞留
江住畢竟奔流入峽中

際會諸灘吼怒雷遭逢江勢更縈回今宵不到英
州定何用山雲送兩來

即石峯

四旁不與衆山連特地孤尖立半天碧落諸峯非
不好讓他即石一峯先

正月晦日自英州舍舟出陸北風大作

北風吹得山石裂北風凍得人骨折南來何曾識

此寒便恐明朝丈深雪今朝幸不就船行白浪打
船君更驚只是山行也不好箚輿寸步風吹倒

英石鋪道中

一路石山春更綠見骨也無斤許肉一峯過了一
峯來病眼將迎看不足先生盡日行石間恰如蟻
子緣假山穿雲渡水千萬曲此身元不離岩壑莫
嫌宿處破茅屋四方八面森木玉孤峯高絕連峯
低岡者如廩尖如錐蒼然秀色借不得春風領入
玉東西英州那得許多石誤入天公假山園

神堂鋪前桃花

北江二月政春寒初見桃花喜未殘臘月潮州見
桃李元來不作好春看

過陳公逕

去歲陳公逕裏松船中仰看愛松風只今身在松
風裏下看江船西復東
江行十日厭船遲却換籃輿踏路泥江水別來纔
兩日陳公逕下再相隨

鵝鼻鋪前桃花

歸來長恐已春遲恰是東風二月時路上桃花亦
惟喜為人濃抹濕燕支

南華道中

清曉新晴物物熙
小風淡日暖歸旗
不堪回首南華路
去歲梅花細雨時
騎吏歡呼不要嗔
二千里外北歸人
慙慙自掬曹溪水
淨洗先生面上塵

荔枝歌

粵大吹雪非差事
粵人語水夏蟲似
北人水雪作生涯
水雪一窖活一家
帝城六月日卓午
市人如炊汗如雨
賣水一聲隔水來
行人未喫心眼開
甘霜甜雪如壓蔗
年年嘗子南山下
去年歲水減工

夫山鬼失守嬉
西湖北風一夜動
地惡盡吹北水作
南雹飛來嶺外
荔枝梢絳衣朱裳
紅錦包三危露珠
東寒泚火傘燒林
不成水北人藏永
天奪之却與南人銷
暑氣

嘗瓜

病骨那禁暑
衰年更作愁
有風依舊熱
初伏幾時秋
瓜果誰新餉
饒涎小忍休
金盆井花水
且看玉雙浮

風露盈籃至
甘香隔壁聞
綠搏鬢一擲
白裂玉平分
蘇登開水段
梅山失火雲
老夫供脫酌
不用辨

羶葷

讀武惠妃傳

桂折秋風露折蘭
千花無朵可天顏
壽王不忍金宮冷
獨獻君王一玉環

聖筆石湖大字歌 有序

淳熙聖人賜宴臨遣端明殿學士參政臣范成大居守金陵觴次肆筆作石湖二大字賜之以寵其行臣成大刻石以碑本分似小臣楊万里敢拜手稽首賦長句

石湖仙人補天手
整頓乾坤屈伸肘
爾來化作懶

卧龍鞭弄珠璣漱瓊玖
五雲萬里天九重
玉皇深拱蓬萊宮
豈無九虎守閭闔
北門半扉當朔風
夜今雲師勅風伯
鞭起卧龍湖底月
湖水卷上天中央
却煩北門護風雪
仙人馭風乘綠雲
玉宸殿上朝帝真
帝將北斗酌天酒
永挑碧藕脯麒麟
傳呼玉螭吸銀浦
點霜調水澆月兔
灑成羲畫河洛書
白璧一雙浮雨露
石湖二字天上歸
奎星壁宿落山扉
昭回下飾吳花草
姑蘇臺前近太微
詩人直一杯水
自是渠儂命如紙
教人妬殺石湖仙手攬星辰懷袖底

嘉定元年春三月男 長孺 編定
端平元年夏五月門人羅 茂良 校正

誠齋集卷第十八終

誠齋集卷第十九

詩

朝天集

廬陵楊

万里

廷秀

淳熙甲辰十月一日擬省試萬民觀治象
詩

魏闕春風裏王城曉日端三朝垂治象萬姓得榮
觀老釋看如堵章程炳若丹九天新雨露一札妙
龍鸞遠覽周官舊重瞻漢詔寬歡聲將喜氣銷盡
柳邊寒

仲冬

詔追造朝供尚書郎職舟行阻風青泥

東關催人赴赤墀北風攔我泊青泥會當老子有
行月未信北風無住時

破籬外面即江流枯樹梢頭總客愁隔水遠山濃
復淡殷勤點綴一川秋

江神風伯戰方酣北浪吹翻總向南未放人扶下
江柁却教眼看上江帆

明發青泥衝雪刺船

水掉風船雪滿篷詩人醉卧水晶宮追程未到君

休問且啓瓊窓看玉峯

碧玉波頭綠錦綉玉妃踏舞氍毹生塵先生奇觀誰
分却不分孤舟獨釣人

紅玉麒麟未作灰自温瓊液寫銀杯雪花萬片江
千頃更欠人間底物來

過招賢渡

歸船舊掠招賢渡惡灘橫將船閣住風吹日炙衣
滿沙嫗牽兒啼投店家一生憎殺招賢柳一生愛
殺招賢酒柳曾為我礙歸舟酒曾為我消詩愁

三衢登舟午睡

午思昏昏不肯醒倦投竹枕睡難成曉然有夢疑
非夢聽得人聲及水聲

望橫山塔

水面生風分外嚴竹根剩雪更新添六年不見橫
山塔茅屋東邊忽半尖

曉泊蘭溪

金華山高九天半夜雪裝成珠玉案蘭溪水清千
頃強朔風凍作瑠璃釭日光雪光兩相射病眼看
來忘南北恨身不如波上鷗脚指為楫身為舟恨身
不如沙上鴈蘆花作家梅作伴折綿水酒未是寒

曉寒真欲水我肝急閉籥蓬擁爐去竹葉梨花十
分注

蘭溪解舟

兩岸千千萬萬峯看來冷白復寒紅人言雪嶺非
銀嶺三日晴光曬不融

日開五色暖征裘雪滿群山爽病眸道是詩人窮
到骨暖邊爽裏放蘭舟

只愁灘淺閣行舟到得江深又不流水鳥避人飛
不徹看他沒去看他浮

際晚江風刮面來曉寒已去却重回也知青女嫁

滕六巽二何須強作媒

梳頭看可正平詩有寄養直時未祝髮等
篇戲題七字

却因理髮得披文看盡廬山筆底春寄語可師休
祝髮癩邊猶有去年痕

老子平生湯餅腸客間湯餅亦何嘗怪來今晚加
餐飯一味廬山笋蕨香

暮泊鼠山聞明朝有石塘之險

下水舩逢上水舩夕陽仍更澁沙灘鴈來野鴨却
驚起我與舟人俱仰看回望雪邊山已遠如何逢

底暮猶寒今宵莫說明朝路萬石堆心一急湍

夜泊釣臺小酌

牛狸送我止嚴陵黃雀隨人或帝城海錯未來鄉
味盡一杯今夕笑先生

追和尤延之檢詳

紫宸殿賀雪

錫山詩老立層霄黃竹賡歌宴在瑤有客夢中聞

雪作曲肱篷底信舩搖

雪時余方解舟三衢

遙知端葉飄香

袖笑向梅花趁早朝未嘆山人負猿鶴負渠縮項
與長腰

和陳蹇叔即中乙巳上元晴和

御柳梢頭脫不風官梅面上雪都融如何闔闔新
春夜頗有芙蓉滿眼紅十里沙河人最鬧三千世
界月方中買燈莫費東坡紙今歲鰲山不入

宮

十四日晚有
旨徹禁中山棚

二月望月遞宿南宮和尤延之右司即署
疎竹之韻

此君見我眼猶青笑我吟髭雪點成憶昔與君同
舍日聽渠將雨作秋聲夜來遞宿三更悄葉底春
寒一倍生夢入故園數新笋穿籬破蘚幾莖莖

春寒早朝

千載江湖今又歸朝雞不許夙興遲每聞撲鹿初
鳴處正是鬢鬆好睡時病眼生憎紅蠟燭曉光未
到碧挑枝誰能馬上追前夢坐待金門放玉筴

二月二十四日寺丞田文清叔及學中舊
同舍諸丈拉予同屈奈酒顏丈幾聖學官
諸文集於西湖雨中泛舟坐上二十人用
山空閣遠月江山麗四句分韻賦詩余得融字呈
同社

正月一度游玉壺二月一度游真珠是時新霽

曉光初西湖猷狀無遺餘

君王予告作寒食來看孤山海棠色海棠落盡孤
山空湖上摹糊眼中黑夜來三更湖月明群仙下
隨嬉殊庭東坡和靖相先後李成郭熙在左右崇
捧硯大如箕大年落筆疾於飛磨墨為雲灑為雨
湖波掀舞山傾欹盡作西湖煙雨障今晨掛在孤
山上同來諸彥文章公不數錢起兼吳融何如玉
船一舉百分滿一笑千峯煙雨散

類試所戲集杜句跋杜詩呈監試謝昌國
察院

有客有客字子美日糴太倉五升米錦官城西生
事微盡醉江頭夜不歸青山落日江湖白嗜酒酣
歌拓金戟語不驚人死不休萬草千花動凝碧釋
子敲針作釣釣老夫乘興欲東流巡簷索共梅花
笑還如何遜在揚州老去詩篇渾漫與蛺蝶飛來
黃鸝往時文采動人主來如雷霆收震怒一夜水
高數尺強濯足洞庭望八荒閭闔晴開映蕩安得
仙人九節杖君不見西漢杜陵老脫身事幽討下
筆如有神汝與山東李白好儒術於我何有哉願
吹野水添金杯焉知餓死填溝岳如何不飲令心

哀名垂萬古知何用萬牛回首丘山重

予因集杜句跋杜詩呈監試謝昌國察院
謝文復集杜句見贈予以百家衣報之

棘圍深鑱武成宮
褫織翠青如葱
謝公文章如
虎豹林間一嘯
四山風天下幾
人學杜甫千江
隔
号萬山阻盡地
為餅未必似更
覺良工心獨苦
誰
登李杜壇浩如
海波翻奄有二
子成三人古風
蕭
蕭筆追還我詩
如曹鄴折東補
西裳作帶令人
還
憶謝玄暉崑崙
崑崙入馬蹄我
願四方上下逐
東
野只有相逢無
別離

楊花

只道垂楊管別離
楊花一去不思歸
浮蹤浪跡無
拘束飛到蛛絲
也不飛

擬花葉亞被紅詩

花密非無藥
繽紛亂眼中
千枝相亞開
一色總成
紅
赴曉桃如積
爭晴杏欲烘
金鬚迷不見
玉頰醉
來同頓覺
江山麗都將
錦繡籠春光
誰畫得分付
少陵翁

四月五日

車駕朝獻

景靈宮省前迎

駕起居口號

鳳輦雲行露未銷
鸞旗風動柳相高
晴雷出地傳清蹕
霽日吹紅染御袍

喜見

天顏浮玉藻
歸從

原廟薦櫻桃
小臣再得瞻黃繖
兩鬢星星不滿搔
沉虞卿秘監招游西湖

蘓公堤遠柳生煙
和靖園深竹映關
舩入芰荷香處去
人從雲水國中還
似寒如暖清和在
欲雨翻

晴頃刻間能為蓬萊老僊伯
一杯痛快吸湖山

陳蹇叔郎中出閩漕別送新茶李聖俞郎
中出手分似

頭網別樣建溪春
小壁蒼龍浪得名
細瀉谷簾珠顆露
打成寒食杏花餠
鷓鴣班
枕面雲縈字免禍
甌心雪作泓不待清風生
兩腋清風先向舌端生

送鄉僧德璘監寺緣化結夏歸天童山

一別璘公十二年
故當刮目為相看
問儂收得曹溪水
零下春風吹已乾

七百支即夜忍飢木魚閉口等君歸
還山大衆空

觀喜只有誠齋兩首詩

荅提點緹馬驛程劉修武翰

公幹當年子建親景文今代大蘇賓絕知將種仍
詩種不放騷人與外人

解道征鴻數字秋清於雪挽映未甌老來筆底心
無毒交割風光與子休

吳春卿卽中餉臘豬肉戲作古句

老夫畏熱飯不能先生饋肉香傾城霜刀削下黃
水精月斧斫出紅松明君家豬紅臘前作是時雪
沒吳山脚公子彭生初解縛糟丘挽上凌煙閣却

將一齋配兩齋世間真有揚州鶴

戲作司花謠呈詹進卿大監卽中

靈君觴客勝王家鬣頭仙人作司花仙人一笑春
風起開盡仙源萬桃李花冶白桃倡紅坐客桃
霞李雪中仙人半酣舞造化風吹雨打千花空嬌
香荔枝付一掃病蒼殘英又嫌老落花已對春風
羞新花也對春風愁姚黃魏紫世無種且據眼前
桃李休

直宿南宮

獨直南宮午獨吟祥雲淡淡竹陰陰小風慢落鵝

黃雪看到槐花一寸深

今年秋暑更禁他無計商量奈熱何一霎飄蕭涼
一日兩來銷得幾多多

秋熱連宵睡不成移床換枕到天明今宵不熱還
無睡却為宮簷漏聲

大司成顏幾聖率同舍招游裴園泛舟繞

孤山賞荷花晚泊玉壺得十絕句

鳳城魚鑰曉開銀園子先生領措紳山水光中金
鑿落芙蓉香裏葛頭巾

少步深登野寺幽古松將影入茶甌鈴聲忽起九

天半有塔危峯最上頭

岸岸園亭傍水濱裴園飛入水心橫旁人草間游
何許只揀荷花開處行

船開便與世塵踈飄若乘風度太虛坐上偶然遺
餅餌波間無數出龜魚

西湖舊屬野人家今屬天家不屬他水月亭前且
楊柳集芳園下儘荷花

小泛西湖六月船中人即水中仙外鋪雲錦千
弓地中度瑠璃百摺天

城中擔上買蓮房未抵西湖泛野航旋折荷花剝

蓮子露為風味月為香

故人京尹劇風流走送厨珍佐勝游青李來禽沉
去冰雪黃金白璧斫蠶蟬

人間暑氣正如炊上了湖船便不知湖上四時無
不好就中最說藕花時

游盡西湖賞盡蓮玉壺落日泊樓船莫嫌當處荷
花少剩展湖光幾鏡天

謝胡子遠即中惠蒲太韶墨報以龍涎心

字香

墨家者流老蒲仙碧梧採花和麝煙華陽黑水煎

膠漆太陰玄霜作肌骨龍尾磨肌飲鼠鬚落點髮
儿儿不如夷甫清曠光猷月一見墨卿驚自失後
來夔川有梁果雨來黔川有吳老亦追時好得時
名竟為蒲生豎降旗吳滋徃徃玄尚白梁墨濕濕
繭粘壁南宮先生來自西惠然贈我四玄圭我無
鵲返鸞迴字我無金章玉句子得君此贈端何似
兀者得鞞僧鬣安得玉案雙鳴璫金刀繡段底物
償送似龍涎心字香為君興雲繞明窓

新涼五言呈尤延之

暑極無可增夏餘亦復幾幽人腸欲腊日日望秋

至秋至涼不隨夏去熟未已一夕睡美餘秋從簾
波起新涼來何方灑若清到髓夕前輕雨作雨後
微風馭涼偶與之偕未必涼因此向來亦風雨既
止暑更信但令暑為涼老病有生意何必問所來
亦莫悲徂歲

小齋晚興

不會隣家養鴿兒清晨齋放晚齋歸網絲到處縈
人鬢欲打蜘蛛揀最肥

尤延之和予新涼五言末章有早歸山林
之句復和謝焉

投分詎云稀會心諒士幾從君澹何奇與我凜獨
至相逢情若忘每別懷不已偶因新涼篇令予懦
全起藉草分澗芳陟嶽共石髓松陰俯逝波不徐
亦不馱平生還山約終食能忘此可憐各異縣千
里復三倍他日寄相思百書那寫意從今可相踈
却嘆月為歲

省宿題天官廳後竹林

秋聲偷入翠琅玕葉葉竿竿玉韻寒聲在樹間元
未是秋聲只在竹林間

賀

皇太子九月四日生辰

地出雷初震天昇日更重高飛千里鷗潛躍九淵
龍隆準如高帝虬鬚似太宗八荒陰賜裏戶戶是
華封

代邸躬仁儉湯孫世聖賢誰云無二日今恰見三
天甲觀初寒夕神光似晝然前星那解老何但八
千年
重九吹花節千齡夢日時東朝分菊水南內賜萸
枝尚酒無多酌堯樽更一卮三宮千萬壽剩費若
干詩

繼照姿天縱分陰學日勤橘中招綺夏瓜處屏任
父老別魚竿月來依鶴禁雲還將古為鑑聊當野
人芹

和同年李子西通判

走馬看花拂綠楊曲江同賞牡丹香向來年少今
俱老君拜監州我作郎北闕小遲蒼玉佩南征聊
製芟荷裳病身只作家山夢徑菊詩葩兩就荒

九日都下黃雀食新

九日新霜薄群飛一網遮裘披楊柳絮色染木犀
花下箸飲鄉味知儂憶故家金杯浮菊蕊相映兩

光華

九日即事呈尤延之

昨日茱萸未苦香今朝籬菊頗然黃
浮英泛藥多
多著舊酒新醅細細膏節裏且追千載事
鬢邊管
得幾莖霜正冠落帽都兒態自笑狂夫老不狂

和周元吉左司東省培竹

雞省有真植鷲行銷畫煩憎柳媚綠暗伴梅耿黃
昏何須雪質質始愛渠軒軒堅守孤竹國肯折先
軫元如何桃李時筍短不出垣周郎夜入直挾策
攜酒尊為渠問玄夫乃遇震為坤喜渠必蕃昌吟

到落金盆曉喚郭橐駝提耳細細言汲水龍井泓
輦土天竺原妙偷造化窟仁及水霜根為賦淇真
詩絕去筆墨痕何時淮陰市能報漂母恩周郎顧
之笑吾自哀龍孫

和周元吉左司夢歸之韻

半似清狂半白癡不須人笑我心知煙霞平日真
成癖山水中年却語離錯計浪隨雲出岫感君能
遣兩催詩居然喚起還家夢橘刺藤梢隔槿籬

給事葛楚輔侍郎余處恭二詹事招

儲禁同寮沈虞卿秘監諭德尤延之右司

侍講何自然少監羅春伯大著二宮教及
予泛舟西湖步登孤山五言

曉雨擣珠屑吹作空中塵拂水無落暈映巖有漶
痕承華兩端尹嘉招出城闔一尊澆雲師借風開
晝昏諸鬟忽脫帽孤鏡亦捲袖西湖翳復皎南山
洗如新舍舟步柳堤曳杖咏松門乃是小上林亦
有虎守閭桂落牘金粟蓉粧濃繡屏高堂竹梢上
幽榭荷葉濱群仙此小憩呼酒頷一欣秋花隔水
笑笑我隨紗巾更醜不知籌互朝還作春行樂戒
多取况復仄羲輪歸髮兀頽玉那知醉與醒

賀

皇孫平陽郡王十月十九日生辰

玉曆當千運天潢第一源本支堯百世有道宋曾
孫接武前星耀依光太極尊年年會慶節更慶茁
蘭孫

送王成之中書舍人使虜

帝遣唐朝第一人玉門關外賜金銀使星芒動梅
花早漢月光垂塞草春故國山河迎
詔旨中原父老識詞臣十分宣慰華戎了歸為君
王轉大鈞

李聖俞郎中求吾家江西黃雀醅法戲作
醅經遺之

江夏無雙小道士一丘一岳長避世裁雲縫霧作
羽衣蘆花柳絲當袈裟袂身騎鴻鵠太液池脚踏金
螭攀桂枝渴飲南陽菊潭水飢咏藍田栗玉芝今
年天田秋大熟紫皇遣川神倉穀一雙鳧舄隨雲
羅夜隨弋人卧茅屋賣身不直程將軍却與彭越
俱策勳解衣戲入玉壺底壺中別是一乾坤水精
鹽山兩岐麥身在椒蘭衆香國玉條脫下渠凝脂
金叵羅中酌瓊液平生學仙不學禪剗心洗髓糟

床邊諸公俎豆驚四筵猶得留侯箸前昔為飛
仙今酒仙更入太史滑稽篇

食蒸餅作

何家籠餅須十字蕭家炊餅須四破老夫飢來不
可那只要鶻崙吞一箇詩人一腹大於蟬飢飽翻
手覆手間須臾放筋付一莞急喚龍團分蟹眼

早朝

紫宸殿賀雪呈尤延之二首

雪花將瑞獻

君王晴早銷遲感建章不肯獨清須帶月猶嫌

未冷更吹霜

雪妃月姊宴群仙
珠閣銀樓集玉鸞
老子來看收不徹
梅梢拾得水精盤

擬乙巳南郊慶成二首

已醜方諸月底泉
更昇燿火桂梢煙
煥黃幄坐明金炬
太紫虛皇下碧天
玉路旋常龍十二
繡衣鹵簿虎三千萬人隨

駕還閭闔看奪金
雞雪柳邊

上瑞今年特地奇
大田多稼與雲齊
星沈折木天街北
波靜崑崙渤海西
帝在紫壇神在次
穹如蒼

蓋月如珪

一人執玉千官肅
萬馬和霜不敢嘶

代賀郊祀慶成二首

聖主勤民歲自豐
德威懷遠塞塵空
懌金裸鬯周茅屋
瑄玉親郊漢竹宮
已刺六經新作制
却追三代與同風
雞竿更需如天澤
殿柳宸梅雪正融
天為

君王幸泰禋飛霙
踈雨淨香塵
金波玉李浮蒼璧
風馬雲車降紫旻
萬寶豐年真上瑞
八方和氣謁成春
受釐未肯專宣室
鴻號還將壽

兩親

和周元吉左司郊祀慶成韻

八觚泰時六郊天一柱明堂再饗先日月旂常寒
映雪冕旒珠玉暖生煙風回韶濩龍鱗外花覆貌
貅鳳闕前喜溢

天顏應未了又迎慶壽入新年

送章德茂少卿使虜

雪後聞君策馬蹄長纓自請繫撐犁光華劔佩伊
吾北彈壓風濤瀚海西漢苑秦關愁外眼邊花寒
月醉中題歸來聽履星辰上誰道淮陰假鎮齊

借尚

書

送詹進卿大監出宣城

今代稽山賀季真前身江左謝宣城向來詔策無
雙手已逼雲霄尺五程銀杏木瓜分我否鴛鴦野
鴨莫渠驚玉皇香案方虛佇看即徵黃侍紫清

和章德茂少卿拉館學之士四人訪王德

脩提幹

西玉南金價則同帝城相對落花風人如天上珠
星聚談到尊中竹葉空白紵烏紗青寶玦紫鸞黃
鵠碧梧桐千齡此過還孤往恨殺燈前欠老翁

送何一之右司出守平江

十年一別再從游，又見魚書拜徹侯。
人物只今何水部，風流不減柳蘓州。
白蘋洲上春傳語，烏鵲橋邊草喚悲。
報政不應遲五月，鷺花紫禁竚歸舟。

送羅春伯大著提舉浙西

晁董聲名彼一時，夫君下筆與渠齊。
承明厭直辭金馬，英蕩非關訪碧雞。
山嶽動搖增氣色，詔書宣布舞群黎。
歸期只在千秋節，留賦蒼苔鳳掖西。

德壽宮慶壽口號

淳熙丙午元日

聖上詣

東朝慶壽八秩積陰，頤臍飛雪弄日聖孝昭。
格萬姓呼舞，擬作口號十解。

長樂宮前望翠華

玉皇來賀

太皇家青天白日，仍飛雪錯認東風轉柳花。

清曉鞭聲出禁中，驚開剝雨及殘風。
金鴉銜取紅鸞扇，飛上玻璃碧海東。

春色何須羯鼓催

君王元日領春回，牡丹芍藥薔薇乃木都。
向千官帽

上開

雙金獅子四金龍噴出香雲繞殿中

太上垂衣

今上拜百王曾有箇家風

帝捧瑤觴玉座前絳衣三世祝

堯年

天皇八十一萬歲休說莊椿兩八千

天父晨興未出房

君王恐冷立風廊忽然鳴蹕珠簾捲萬歲聲傳震
八荒

花外班行霧外天何緣子細望

龍顏小窺玉色真難老底用臞仙九轉丹甘露祥

風天上來今回恩數賽前回都将四海勸聲裏釀
作

慈皇萬壽杯

堯舜同時已甚都祖孫四世古今無誰將寫日摹

天手畫作 皇王盛事圖

甲戌王春試集英小臣曾是老門生蒼顏華髮鶴
行裏也聽鈞天九奏聲

題曹仲本出示譙國公迎請

太后圖自肅天仗以下皆紀畫也

德壽宮前春晝長宮中花開宮外香

太皇頤神玉霄上都人久不瞻清光
今晨忽見肅天仗翠華黃屋從天降
一聲清蹕萬人看天街水銷樓雪
殘北來又有一紅繖八鸞三駢金
轂端輦中似是瑤池母鳳曷霞裳
剪雲霧

太皇望見天開顏萬國春風百花舞
乃是慈寧太母回鸞圖母子如初
千古無羽雲邊雪旗脚濕御柳官
梅寒影疎向來慈寧隔沙漠倩鴈
傳書鴈難託迎還駟馭彼何人魏
武子孫曹將軍將軍元是

一縫掖忽攘兩臂挽五石長揖單于如小兒奉歸
慈輦如折枝功蓋天下只戲劇笑隨赤松蠟雙履
飄然南山之南北山北君不見岳飛功成不抽身
却道秦家丞相嗔

正月二十四夜朱師古少卿招飲小樓看燈

光射瑠璃貫水精玉虹垂地照天明風流誰似朱
夫子解放元宵過後燈

南北高峯醒醉眸市宜都寂似巖幽君言去歲西
湖兩城外荷聲到此樓

送劉孔章縣尉得官西歸

早宴黃花詣粉闈，晚按春草染朝衣。却提猛士弓
彎月去掃封狐，雪打圍緣鬢。朱顏君勝我，青春白
日我思歸。何時共淪青原茗，下看江鷗來去飛。

和陸務觀惠五言

官縛春無分，髣踈雪更欺。雲間隨詞客，事外得心
期。我老詩全退，君才句總宜。一生非浪苦，將曾孰會
相知。

雲龍歌調陸務觀

墨池楊子雲，雲間陸士龍。天憎二子巧，言語只遺

相別無相逢。長安市上忽再值，向來一別三千歲。
王母桃花落幾番，北斗柄爛銀河乾。雙鬢成絲絲
似雪，兩翁對面面如丹。借問別來各何向，向渭水東
流。我西上金印斗大，直幾錢錦囊山齊。今幾篇詩
家不愁吟不徹，只愁天地無風月。君不見漢家平
津侯，東閣冠蓋如雲浮。又不見當時大將軍，公卿
雅拜如星奔。祗今雲散星亦散也，無鹿登臺榭。羊
登墳何時與君上廬阜，都將硯水供瀑布。磨鎌更
斫扶桑樹，擣皮作紙裁煙霧。雲錦天機織詩句，孤
山海裳今已開。上巳未有游人來，與君火急到一

回一杯一杯復一杯管他玉山頽不頽詩名於我
何有哉

再和雲龍歌留陸務觀西湖小集且督戰

云

我願身為雲東野化為龍龍會入洲雲入岫韓子
却要長相逢作意相尋偏不值不知今年是何歲
剡藤玉板贈一番延珪烏丸灑未乾乃是故人陸
浚儀詩骨點化黃金丹謂宜天祿貯劉向不然亦
合雲臺上却令去索催租錢枉却清風明月三千
篇夜裝明發走不徹半篙刺碎巖灘月老夫不願

萬戶侯但願與君酒船萬斛同拍浮老夫不怯故
將軍但怯與君筆陣千里相追奔少陵浣花舊時
屋太白青山何處墳二仙死可埋丘阜二仙生可
着韋布名桂廣寒宮裏樹非煙非雲亦非霧長使
玉皇掉頭誦渠句詩府誰得玉篴開詩壇誰授黃
鉞來留君不住君急回不道西出陽關無此杯西
山金盆儘渠頽斯游明日方懷哉

上巳日予與沈虞卿尤延之莫仲謙招陸
務觀沉子壽小集張氏北園賞海棠務觀
持酒酌花予走筆賦長句

東風吹我入錦幄海棠點注燕支薄不論宜雨更
宜晴莫愁傾國與傾城半濃半淡晚明滅欲開未
開最奇絕只銷一線日脚紅頃刻千株開絳雪偉
哉詩人素苧翁持杯酌酒澆艷叢坐看玉頰添醉
暈為渠醉何須問

再和

太空無壁不可惺顛風莫動花肌薄一春統有一
日晴帝里游人爭出城青天如水綠煙滅晴與海
棠成兩絕坐中賓主詩中仙開口揮毫俱玉雪清
泉白石欠此翁若為揜脚鷓鴣叢老眼作花花作

暈多慙依鶴頻相問

醉臥海棠圖歌贈陸務觀

帝城二三月海棠一萬株向來青女拉滕六戲與
一撼即日枯東皇夜遣司花女手按紅藍滴清露
染成片片淨練酥乳點梢梢酣日樹蓬萊仙人約
老翁寄牋招喚陸龜蒙為花一醉也不惜就中一
事最奇特海棠兩岸繡惟裳是間橫看雙胡床龜
蒙踞床忽倒卧烏紗自落非風隨落花滿面雪霏
霏起來索筆手如飛卧來起來都是韻是醉是醒
君莫問好箇海棠花下醉卧圖如今畫手誰姓吳

嘉定元年春三月男
長孺 編定
端平元年夏五月門人羅
茂良 校正

誠齋集卷第十九終

誠齋集卷第二十

詩

朝天集

寒食雨中同舍約游天竺得十六絕句呈
陸務觀

游山不合作前期便被山靈聖得知只等五更傾
一兩三更猶是月明時
筍輿衝雨復衝泥一徑深深只覺遲孤塔忽從雲
外出寺門漸近報儂知

廬陵楊 万里 廷秀

住山何敢望他僧只是游山也不曾可惜一條杉
檜路都將濕了不教行

破雨游山也莫嫌却綠山色雨中添人家屋裏生
松樹穿出茅簷却覆簷

小溪曲曲亂山中嫩水濺濺一線通兩岸桃花總
無力斜紅相倚卧春風

老檜如幢翠接連山茶作塔綠縈纏山僧相識渾
相忘不到山中十五年

三峯小石一方池下有機泉仰面飛坐看跳珠復
拋玉忽然一噴與簷齊

清遠溪中小閣頭遮攔溪水不教流山僧為我放
一板濺雪奔雷怒未休

城裏哦詩枉新髭山中物物是詩題欲將數句了
天竺天竺前頭更有詩

忽見金絲嬾綺疏又驚寒食到來初不知折盡西
湖柳挿遍長安萬戶無

禪房寂寂水潺潺澗草巖花點綴間忽有仙禽發
奇響頻伽來自補陀山

雨裏匆匆怨出郊晴時不出却誰教西湖北畔名
園裏無數桃花只見梢

戶戶游春不放春，只愁春去不愁貧。今朝道是游人少，處處園亭處處人。
若道尋春被雨催，如何隨處兩三杯。晚晴曉雨如翻手，有底虧儂不好來。
萬頃湖光一片春，何須割破損天真。却將葑草分疆界，葑外垂楊屬別人。
轎頂花枝儘鬧裝，游人未暮已心忙。無端更被千株柳，展取蘇堤分外長。

和

皇太子雨中賞梅偶成

日到青宮分外長，梅兼白雪一時芳。
儲皇更著瓊瑤句句裏，天葩別樣香。
玉淵堂下一梢長，倚賴春風歷衆芳。妙句忽從天上落，千花從此總無香。

謝

皇太子三月十九日召宴榮觀堂頒賜金

杯頌羅

春草池塘太液旁，水精宮殿牡丹香。慙非綺里攀鴻翼，也侍承華宴鳳莊。
玉唾銀鈎看落筆，繡袍金腕拜盈箱。迎門兒女牽衣袖，搜得隨侯與夜光。

錢趙子直制置閣學侍郎出帥益州分未
到五更猶是春二十八字為韻得猶字

錦水花潭照碧油西清學士舊鰲頭隨身琴鶴如
清猷治蜀功名更武侯無脫十行看暮召不應三
峽隴辰猶垂楊管得人離別舞破春風勸玉舟

鑠宿省中心氣大作通昔不寐得兩絕句

酒病春愁恰併來更衝花信宿鸞臺
三里玉漏敲聲只喚回

絕恨詩人浪許癡四更無睡只哦詩老鈴枕手眠
窓底急雨顛風總不知

送王恭父監丞倅潼川

淡墨倫魁政少年蓬山壁水得詩仙
文筆國子先生費酒錢濯錦江頭頻入夢
面送歸船平分風月真聊爾不月來朝尺五天

題徐載叔雙桂樓

遙憐天上桂華孤月中何不種兩株
絕唱後來詩人半語無向來何人秋風起吹脫廣
寒雙桂子落向君家樓閣前種玉開花今幾年
宵雙影寫窓戶却兼月裏成三樹年年八月九月
時黃金粟綴青瑤枝秋風吹香入月去風回却帶

天香歸容齊仙人為作碑誠齋老人為作詩金曼
玉兔已傳誦莫問姮娥知不知

招陳益之李兼濟二主管小酌益之指蠶
豆云未有賦者戲作七言蓋蠶豆也吳人
謂之蠶豆

翠莢中排淺碧珠甘欺崖蜜軟欺酥沙瓶新熟西
湖水漆榭分嘗曉露腴味與櫻梅三益友名因蠶
繭一絲約老夫稼圃方雙學譜入詩中當稼書

初夏清曉赴

東宮講堂行經

和寧門外賣花市

剝兩殘風一向顛花枝酒殘兩無緣忽逢野老從
湖上擔取名園到內前芍藥截留春去路鹿葱禮
上夏初天衆紅半霎聊經眼不枉皇州第二年

積雨新晴

駕幸聚景園擬口號

帝心憂麥復憂粟一念通天轉兩賜五色日華銷
積霽三春花草殿餘芳黃雲暖照天顏喜紅藥濃
熏禁籞香見說都人爭出郭觀聲舞倦萬垂楊
陔陸務觀劔南詩藁二首

今代詩人後陸雲天將詩本借詩人重尋子美行
程舊畫拾靈均怨句新鬼嘯狹啼巴峽兩花紅玉
白劍南春錦囊繙罷清風起吹仄西牕月半輪
劍外歸乘使者車湖東新得左魚符可恨霜鬢何
人問焉用詩名絕世無彫得心肝百雜碎依前途
轍九盤紆少陵生在窮如蠶千載詩人拜蹇驢

新晴讀樊川詩

江妃瑟裏芰荷風淨掃癡雲展碧穹嫩熱便嗔踈
小扇斜陽酷愛弄飛蟲九千刻裏春長雨萬點紅
邊花又空不是樊川珠玉句日長淡殺箇衰翁

駕幸聚景晚歸有

旨次日歇泊

身在長安夢故山故山未去且長安落紅滿地莫
教掃新綠隔牆聊借看竹兼勸人行樂事榴花為
我遣春寒賜休又得明朝睡不問三竿與兩竿

都下食筍自十一月至四月戲題

竹祖龍孫渭上居供儂樽俎半年餘班衣戲絲春
無價玉版談禪佛不如若怨平生食無肉何如陋
巷飯斯蔬不須庾韭元脩菜喫到憎時始憶渠

以酒為名却謗他水為肌骨月為家借令落盡仍
香雪且道開時是底花白玉梢頭千點韻綠雲堆
裏一枝斜休休莫斷西莊柳放上松梢分外佳

蚤謁

景靈宮聞子規

帝里都無箇裏寬苑深地禁到應難蔚然綠樹去
天近上有子規啼月殘便覺恍如還故里不知聞
處是長安野薔薇發桐花落孤負南溪老釣竿

南海陶令 曾送水沉報以雙井茶二首

嶺外書來謝故人梅花不寄寄爐熏辨香急試博

山火兩袖急生南海雲惹鬚眉清入骨縈盈腮兒
巧成文瓊琚作報那能辨雙井春風較一斤

沉水占城第一良占城上岸更差強黑蕨骨節龍
筋瘠班出文章鷓翼張袞盡殘膏添猛火熬成熟
水趁新湯素馨重染真何益畢竟輸他本分香

以六一泉煮雙井茶

鷹爪新茶蟹眼湯松風鳴雪免毫霜細參六一泉
中味故有涪翁句子香日鑄建溪當退舍落霞秋
水夢還鄉何時歸上滕王閣自看風鏺自煮嘗

謝人送常州草蟲扇

生怕炎天老又逢草蟲扇子獻奇功
還將多稼亭前月卷盡西湖柳
上風蚱蜢翅輕塗翡翠蜻蜒腰
細滴猩紅舊時綠鬢常州守
今作霜髯一禿翁

謝福建提舉應仲實送新茶

詞林應瑒繡衣新天上茶仙月外身
解贈萬釘蒼玉勝分膏一點
建溪春三杯大道醺然後七椀清
風爽入神聞道閩山官况好
何時乞得兩朱輪

嘗枸杞

芥花菘荅餞春忙夜吠仙苗喜脫膏
味抱土膏甘復脆氣含風露燕
猶香作齋淡看微施酪茗茗臨

時莫過湯却憶荆淡古城上翠條紅乳摘盈箱

幼圃

蒲橋寓居庭有剗方石而實以上者小孫子
藝花窠菜本其中戲名幼圃

寓舍中庭劣半弓鷺泥為圃石為墉瑞香萱草一
兩本葱葉焯苗三四叢釋子落成小金谷蝸牛卜
築別珠宮也思日涉隨兒戲一逕惟看蟻得通

同三館餞王恭父監丞分韻予得何字

去歲從游泛綠波西湖今日又新荷
生來長是歡
踪少老去更堪離別多客裏送君
留不住尊前為

我飲無何休休萬事付一醉為報驪駒未要歌

送伍耀卿監廟西歸

敬軒居士子胥孫河出昆侖學有涼秋鶚屢看書
補表春風兩度對堯軒釣竿已拂珊瑚樹拄笏新
霑雨露恩暫作祝融香火吏裏輪早晚到柴門

謝岳大用提舉郎中寄茶果藥物三首

瓷瓶蠟紙印丹砂日鑄春風出使家白錦秋鷹微
露爪青瑤曉樹未成芽松梢鼓吹湯翻鼎甌面雲
煙乳作花喚醒老夫江海夢呼兒索鏡整烏紗

右日鑄茶

新羅上黨各宗枝有兩曾參果是非入手截來花
暈紫聞香已覺玉池肥舊傳飲子安心妙新擣珠
塵看雲飛珍重故人相問意為言老矣只思歸

右紫團參

三韓萬里半天松方丈蓬萊東復東珠玉鍊成千
歲實水霜吹落九秋風酒邊膈膊牙車響座上須
史漆櫺空新果新嘗正新暑繡衣使者念山翁

右新松實

西府直舍盆池種蓮

飛空天鏡隨菡萏玉井移蓮旋旋栽坐看一花隨

手長揆開半乘出頭來稍添菱荇相縈帶便有龜
魚數往回刺欲遠池三兩匹數聲排馬苦相催
西府寒泉汲十尋深澆淺灑碧森森高花已照紅
粧鏡小蒼新抽紫玉簪鈿破尚餘新兩恨織疎綉
作半池陰西湖瘦得盆來大音惜更伴詩人恐不禁
東宮講退觸熱入省倦甚小睡
承華下直直幾廷新暑熏人睡不成到得曲肱貪
夢好無端急雨打荷聲起看翠蓋如相戲亂走明
珠却細傾歸路開心最涼處水風四面一橋橫

和周元吉省中新竹

青士何年下大荒羽儀禁省立如牆錦綉半脫娟娟
玉粉節新塗拂拂霜帶雨小酬三日後出林忽喜
一梢長今年秋閏防多暑剩供先生格外涼
題允延之右司遂初堂
漫仕風中絮歸心水上鷗把茅新結屋藜杖舊經
丘花底春勾引燈前夜校讎何如添我住二老更
風流

詩瘦山如瘦人遐室更遐荒林庾信宅古木謝敷
家醫國君臣藥逃名子母瓜只愁歸未得綠却白
鷗沙

七字謝紹興帥丘宗卿惠楊梅

梅出稽山世少雙，情知風味勝他楊。
玉肌半醉紅生粟，墨暈微深染紫裳。
火齊堆盤珠徑寸，醴泉繞齒柘為漿。
故人解寄吾家果，未變蓬萊閣下香。
越絕諸楊盛一時，與儂瓜葛不曾知。
老夫自笑吾衰矣，此客何從夢見之。
也解過江尋德祖，政緣作尹是丘遲。
渠伊不是南村泐，未分先驅事荔枝。

小挑

小挑着子可憐渠，踈處全踈無處無。
併綴一梢三十顆，緹枝欲折没人扶。

送周元吉顯謨左司將漕湖北

君詩日日說歸休，忽解西風一葉舟。
黃鶴樓前作重九，水精宮裏過中秋。
職親六閣仍金馬，喜入千屯看木牛。
繡斧先輩誰不羨，一賢去國欠人留。
又見周郎攜小喬，武昌赤壁醉嬌饒。
蜀江雪水來三峽，吳苑風煙訪六朝。
秋月春花出肝肺，新詞麗曲入笙簫。
歸來却待金鑿殿，好看霜毛映珥貂。
彼此江湖漫浪翁，相逢遞宿省西東。
兩窮握手論詩後，一笑投膠入漆中。
臨水登山公別我，青鞋布襪我從公。
貂裘已博江西艇，只待黃花半席風。

簡陸務觀史君編修

聞道雲間陸士龍，釣臺絕頂嘯清風。却將半掬催詩雨，灑入山村作歲豐。

負外治中高帝孫，幕中何幸有詩人。主人不減西湖長青眼，無妨顧德麟。

故人趙彥先顧託翁歸故云

送王季德提刑寶文少卿

寶儲依舊接英游，湯節何曾遠藻旒。卿月使星銀漢曉，繡衣絳服太湖秋。我對當道上狐何，問鷹擊霜前兔已愁。火急平反供一笑，紫荷玉笋待君侯。

贈都下寫真葉德明

我肯山林人不識，或疑謫仙或狂客。仰看青天不看人，醉裏那知眼青白。一攜破硯入長安，素衣成綰綠鬢班。上林麒麟著野馬，滄洲鷗鷺綴孔鸞。漢宮威儀既不入，貴人樣灞橋風雪又不見。詩人相不須覽鏡照清溪，我亦自憎塵俗狀。葉君著眼秋月明，葉君下筆秋風生。市人請畫即唾罵，只寫龍章鳳姿公與卿。肯來為予寫衰貌，擲筆掉頭欣入妙相逢。可惜邊十年不見詩翁昔年少。

初秋玩月

月華只是尋常月，如何入秋頓清絕。潑在中庭滿

地冰飛上寒窻一堂雪今霄無兩風亦無涼氣却
如風雨餘九州四海幾人看作意獨來尋老夫仙
人餐霞燕朝日老夫不顧受此術不如掇月入杯
中酒浪月波供一吸老夫病肺怯清秋對酒不飲
月莫愁老夫未眠月未落相伴且到三更頭

送孫揆正德操龍圖出知鎮江

潤州太守去明州誰寄長江萬里流雞省却煩三
語椽龍章卧護兩淮秋古來北府多名酒今復南
徐說勝游聊奉雙親小行樂即持荷橐侍宸旒
看花走馬紹興間彼此春風各少年黃甲諸儒今

幾許白頭同舍省東偏昨宵歸夢月千餘債欠君
詩兩篇已乞閩山一窠關老身只要早歸田

食雞頭子二首

江妃有訣煮真珠菰飯牛酥軟不如手擘雞頭金
五色盤傾驪領琲千餘夜光明月供朝爵水府龍
宮恐夕虛好與藍田餐玉法編歸碎穀赤松書
三危瑞露凍成珠九轉丹砂鍊久如鼻觀温芳炊
挂歇齒根熟軟剝胎餘半甌鷹爪中秋近一炷龍
涎丈室虛却憶吾廬野塘味滿山柿栗正堪書

跋允延之左司所藏

光堯御書歌

光堯太上皇帝御書西漢書列傳目上有重
文曰帝錄臣豪得之以示臣万里謹拜手稽
首作歌敬書于後

鸞臺長史老野僧月前病鶴霜後蠅文書海裏
不了黑花亂發雙眼睛故人同舍尤太史敲門未
揖心先喜袖中傾下十斛珠五色光芒射牕几自
言天風來帝旁拾得復古殿中雲一張向來
太上坐朝罷勝日光風花柳暇浣花仄理水雲容
宣城雞距針芒鋒天顏有喜聊小試西京書目

供游戲韓彭衛霍欣掛名舒向卿雲感書字漢廷
多少失意人九京寸恨不作塵一朝翻入
聖筆底昭回之光喚渠起小臣濫巾縫掖行手抄
孝經不徹章何曾下筆寫史漢再拜恭覽汗透裳
太史結廬伴鷗鷺錫山山下荆溪渡紅光紫氣上
燭天箇是深藏寶書處

賀

皇太子九月四日生辰

万里恭遇

皇太子殿下誕彌令辰謹齊沐吟成龍構曲

十斛仰祝眉壽恭惟

令慈俯賜

采覽万里下情無任頌禱之至

日日龍樓問寢時
雞人未動漏花遲
前星一點朝天帝
只有清臺太史知

清賞堂中無管弦
鳳山樓上有雲煙

儲皇側畔何人侍
黃卷團圞是聖賢

子晉吹笙未是仙
阿丕橫槊少金篇
小吟春著梅梢句
一日東風四海傳

二聖多能似仲尼
儲皇家學自庭闈
銀鈞已有

溥熙脚玉句仍傳
德壽衣

明河查上有仙翁
犯月撞星到碧穹
金闕東邊銀榜處
大書天地長男宮

大安宮裏漆園椿
子榦孫枝葉葉新
今日四株高下碧
相承一樣八千春

菊花潭上菊花開
不是花潭是壽杯
天賜生朝千斛水
一年一斛送將來

禹子湯孫兼聖賢
一身雙美古無前
願陳萬國元良句
不用金昭玉粹篇

少陽拜賜太陽旁
黃菊紅萸滿壽觴
陽德重重在

初四不須九日是重陽

光堯初御六龍天上直維參大火躔天意分明昌
宋德誕辰三世總丁年

尤延之檢正直廬牕前紅木犀一小株盛

開戲呈延之

水沉團裏御風歸粟玉肌膚不肯肥元是金華學
仙子新將柿葉染秋衣不應裝束追時好無乃清
癯悔昨非為妬尤即得尤物故將七字惱芳菲

送張定叟

直上雲霄未遣休分符京兆帝王州赤九窟裏無

白額碧落班中政黑頭兩地好官統半武扁舟歸
興恰中秋只應銀信從天降莫戀黜峯與橘洲

紫巖衣鉢付南軒介弟曾同半夜傳師友別來真
蕩耳江湖相對各潜然但令門戶無遺恨何必功
名在早年君向瀟湘我閩粵寄書只在寄茶前

方上章
乞閩漕

新寒戲簡尤延之檢正

逗曉添衣併數重隔喃刺熱尚斜紅秋生露竹風
荷外寒到雲牕霧閣中半點暄涼能幾許古來豪
傑總成空木犀香殺張園了雪嗅金按欠兩翁

跋姜春坊梅山詩集

松風澗水打牕聲玉佩瓊瑤觸眼明當畫如何挂
秋月未春特地轉新鷺只銷一卷梅山集幻出多
般景物情老子平生有詩癖為君焚却老陶泓
承華寮宋集鴛鴦不減應徐讌魏園中有釣璜清
渭叟向來授鉞少陵壇錦心繡口寒花草雪枕冰
甌瀉肺肝身到梅山得梅魄老夫更借一枝看

早朝

垂拱殿晚出東省

請外天難達留中日不遑烏啼金殿月鷺集玉塔

霜出晚綠堂白歸時報錄黃來年六十一六十鬢
蒼蒼

跋京仲遠所藏楊補之紅綾上所作者色
撇蓬梅

朔雲暗天垂到地朔風裂山吹脫耳長江萬頃一
艇子一夜雪寒不成睡詩翁曉起鬢髮縮頭微
掀黃篋蓬夜來急雪已晴了東方一抹輕霞紅江
梅的皜開獨樹蓬間截入梅尺許老榦新枝紫復青
花瑣白玉鬚黃金滿身滿面都是雪梅雪却與霞
爭明不知詩翁何處得霜鋸和雪和梅斲將去恐

是并州快剪刀不然吳剛修月斧下無根榦上無
梢一眼橫陳梅半腰東省拈出寒蕭蕭至今花頭
雪未銷

秋山

梧葉新黃柿葉紅更兼烏臼與丹楓只言山色秋
蕭索繡出西湖三四峯

秋雨蚤作有歎

細雨澹無質安得更更有聲如何却作泥亦能妨晨
征宿昔忽過暄心知非堅晴何須暄晴極然後寒
雨生寒暄使人覺妙物亦何曾翦翦自神妙無乃

與物矜造物本非作觀者或強名老夫近稍聾此
事無暇聽平生感秋至此意今已平獨念老病身
頗不耐夙興何時歸故園宴眠閉柴荆鳴鷄亦不
留好夢無吾驚他年憶此詩惘如宿酒醒思歸已
可喜而况真歸耕

寄題王揅德脩知縣成都新居

子美百花潭北莊君今召作詠歸堂山分劍閣雲
根瘦江送逢婆雪汁香漱石枕流紅錦浪浮家泛
宅白鷗行何人夜誦相如賦給扎蘭臺看堵墻

左藏南庫西廡下紙閣負暄戲題

左幣火禁清寒非人間有也而庫官孔仲石
段季承史伯載心匠天巧創一火閣不薪不
炭暖亦非人間有予以小暘谷名之且賦絕
句
水衡仙客住水天雪齧風餐更禁煙不是移來小
暘谷老夫凍折兩詩肩

賀

皇孫平陽郡王十月十九日生辰

万里恭遇

皇孫節使郡王誕彌令辰謹齊沐吟成七言

律詩一首仰祝眉壽恭惟

鈞慈俯賜

采覽万里下情無任祝頌之至

前星炳煥領孫星環拱中天月兩輪四葉重光同
聖世千秋佳節近生辰本支秀茂且復且興學熙
明新又新喜入威顏天一笑壽觴分賜一枝椿

白紵歌舞四時詞

春

人生春睡要足時海波可乾山可移珠宮宴罷曉
星出不是天上無鳴雞昨來坐朝到日落君王何

曾一日樂上林平樂半蒼苔桃花又去楊花來

夏

四月以後五月前麥風槐雨黃梅天君王若道嫌
五月六月炎蒸又何說水精宮殿水雪山芙蓉衣
裳芟盤老農背脊曬欲裂君王猶道深宮熱

秋

星芒欲滅天風急月輪猶帶銀河濕青女椎冰作
冷霜吹到璇閨飛不入芎羅山下浣紗人萬妃無
色抵一身嬌餘貴極醉玉較強為君王蹈錦細

冬

祗愁窮臘雪作惡不道雪天好行樂玻璃底回
青春蒲萄錦外舞玉塵陽春一曲小垂手勸君一
盃千萬壽今年斛穀才八錢明年切莫羨今年

行路難

君不見河陽花今如泥土昔如霞君不見武昌柳
春作金絲秋作帚人生馬耳射東風柳色桃花却
長久秦時東陵千戶侯華蟲被體腰蒼璆漢初沛
邑刀筆吏折腰如磬頭槍地蕭相履初謁邵平中
廷百拜百不應邵平後來謁蕭相故侯一拜一惆
悵萬事反覆何所無二子豈是大丈夫窮通流坎

皆偶爾搏扶未必賢槍榆華厝別是一天地醉鄉
何曾有生死儂欲與君歸去來千愁萬恨付一盃

又

老夫少時不信老長笑老人特年少如今老矣不
笑人却被少年開口笑少年何苦笑老人老人舊
日顏如春興來百瑣山墮玉醉後千篇筆有神自
古聖賢皆白骨誰道今人不見古時月孔子盜跖
俱塵埃杜陵老人今亦安在哉

黃金築臺賜白璧車前八驂門列戟徹侯萬戶秩
萬石珠戶玉房貯傾國傳呼一聲萬人開將軍相

國天上來不知道旁雍門子已歎塵塵登高臺雍
門解遣孟嘗泣孟嘗不泣渠何急只知富貴如雲
浮不知貧賤飢死寒死愁不愁

長門陳阿嬌却要一生金屋貯嬌饒長信班婕妤
却要一生紈扇從玉車妾心祇作專房地別人亦
有承恩意妾心不肯着別人君心還肯如妾心春
風秋月渾不管花落花開空自怨千秋萬歲一笑
休月明空照古人愁

造化小兒不耐閑阿兄阿姊一似顛兩手雙弄赤
白丸來來去去繞青天赤丸才向西山沒白丸又

向東山出只銷三萬六千回雪色少年成皺鉄鉄
色頭鬚却成雪雙丸繞從地下復上天少年一入
地下更不還日日喜歡能幾許况有煩惱無喜歡
莫言酒不到劉伶墳上土劉伶在時一醉曾三年
明珠一百斛更添百斛也只心不足侯印十九枚
更添一倍也只眉不開先生笑渠不行樂莫教人
笑先生錯

嘉定元年春三月男

長孺

編定

端平元年夏五月門人羅

茂良

校正

誠齋集第二十終

第 35364 号

平成 3.11.22

聖和學
園短大
圖書館

928

七

五

樂
 平
 望
 團
 團
 書
 因

SS 11 E

8	8
9	9
0	0

